











DESCOVVERTE

DES EQUIVOQUES ET ESCHAPATOIRES DES Iesuites.

Sur leur pretendu bannissement.

13

M. DC. XXVI.

Digitized by the Internet Archive in 2014



LA DESCOVVERTE DES

Equinocques & Eschapatoires des FF. Jesuistes, contre leur banissement pretendu.

A subtilité de l'esprit paroist en plusieurs choses que le iour nous fait cognoistre, & souuent leurs accidens sagement preueus nous descouurent la finesse de celuy qui brasse ses entreprises auec des intelligences tellement iudicieuses, que l'ambiguité de leurs progrez tient tousiours caché sous ses artifices, l'euenement de ce qu'il s'est proposé pour heureusement paruenir à l'accomplissement de ses desseins, dans lesquels les plus clairs voyans n'apperceuoient aucun signe de possibilité; les grandes exe-

A ij

cutions se font par de puissantes forces, & les foibles difficilement peuuent atteindre au point d'vne victoire quelque peu signalee, ou pour le moins, si par le soin de leur prudente conduitte ils cueillent la palme qui sembloit estre pour les plus absolus, c'est sous le bon-heur qui accompagnoit leur diligence; & rarement vn chef confus en ses propositions, peut il bien reufsir en l'occasion qu'il embrasse: mais celuy qui aucc vn mur iugement delibere de ce qu'il veut entreprendre, se void il trompé en ses pretentions, considerant suiuant le dire du Prince des Philosophes, la fin de ce quil veut exploicter auant que de s'engager dans la honte de le commencer sans y auoirbien pensé.

Auiourd'huy peu de bons François, à leur grand regret, perte & dommage, ignorent les ruses & fines-

ses de ces esprits cauteleux, qui par vne maudite vsurpation & pleine de blaspheines, prennent le nom de IEsvites, ou Freres de la compagnie de Iesus, & personnes que ie croy, n'a doute du meschant dessein qu'ils ont tousiours eu contre la Monarchie Françoise & la prosperite d'icelle: autrement les desplorables tragedies presentees dans le Theatre de leur doctrine, & executees sous le malheur de la France, ne seroient iamais paruenus à leur cognoissance:ie me tairay de peur qu'on me iuge plustost passionné contre eux, que zelé au seruice de mon Roy & au repos de son Royaume, & n'estalleray point dans ce petit discours les exemples & les authoritez que la pure verité de leurs veneneux Documents, & l'effect sanglant de leurs instructions impies me pourroit suffisamment fournir

& passant au gros de ce que ie desire en detail debiter, pour le seruice & l'vtilité des bons François, qui comme moy s'esiouyssent en voyant la France reflorir & subsistes tousiours en sa gloire, se m'arresteray seulemét fur le subiect qui se presente grandement considerable, & qui ne doit point estre nonchalé, puis que de luy le bien ou le mal de tout le Royaume despend entierement : c'est donc le mouvemét qui me porte à la conseruatió de nostre Monarchie, ou pour le moins le desir que i'ay de donner mes aduis qui semblent necessaires pour l'vtilité d'icelle: & à fin qu'on ne me iuge point presompteux ny remply d'vne vaine gloire de me vouloir ingerer ou ietter dans des choses la cognossance desquelles m'est de droict desfenduë, ie ne m'escarteray nullement de la raison, &

me contiendray dans les termes du respect que ie porte à mon Roy, & du deuoir auquel la nature m'oblige enuers ma Patrie; & pour faire le tout auec bon ordre & iugement, ie commenceray par ce qui est manifeste à tout le monde: Premierement, que rien n'a dans tout le Royaume esté innoué ou changé depuis la mort d'Henry le Grand d'heureuse memoire (mort, dis-je, deplorable, & dont les autheurs sont autant abominables que le malheureux coupen a esté sensible aux bons François) que par les mauuais conseils & les dam. nables pratiques de ces boutefeux, qui pour auoir les premieres consciences à gouverner, imposoient vne necessité de guerre, sur peine de damnation, à ceux desquels le bon naturel n'estoit porté qu'à la paix, & sous vne fausse apparence de pieté,

donnoient passage à leurs aduis en l'ame de ceux qui ne respiroient que la volonté du Ciel. Ce bon Cardinal, le bannissement duquel a plustost esclatté que son pourpre, en sçauroit bien que dire, & confessera tousiours que ces freres de la societé de la sus ne briguerent cest exil pour autre cause que pour le voir du tout incliner à la paix, & que ces remonstrances importantes grandement à l'Estat, s'op posoient aux troubles où ils vous loient jetter toute la France, pour bastir du debris de ces triomphes les Colosses de leur gloire, qui n'a de lustre qu'en la splendeur du sceptre tres-Catholique. Les heureux mignons de Fortune qui ont esté esleuczau supréme degré d'honneur, ont esté instalez en leur authorité par les secrettes subtilitez de ces esprits inuentifs, qui tenoient leur bouche & leur

leur oreille pour les faire quelque temps subsister en gloire: & rarement se peut-il trouuer quelque grand auoir esté fauory du Roy, qui n'ait incontinent esté recherché de ces gens que l'Espagne fait Religieux de Rome, pour tascherà rendre les François subjectsà l'Empereur des Indes. I'aduoue qu'à beaucoup d'iceux la naissance donne le tiltre de François, mais ie nie que la nourriture qu'ils prennent en la Compagnie ne les rendent point Estrangers, & ne m'e-.stonne point, si comme bastards & desrobez à la mammelle de leur mere, ils ne vomissent qu'imprecations contre celle qui leur a donné l'estre.

ont esté faites sous pretexte de rebellion n'ont pas esté allumez par ces hypocrites, qui portent dans la bouche le seu & l'eau: & nous trouuerons sans beaucoup de peine, que veritablement leur intention estoit de troubler le Royaume, non pas pour l'aggrandir ny pour le rendre plus absolu; mais pour tracer le chemin à leurs desseins couverts & finement entretenus, ils faisoient esclatter bien haut ces paroles : He quoy! Sire, faut il qu'au milieu de vostre Royaume vos subiects s'opposent à vos volontez, & qu'au preindice du service & de l'obeissance qu'ils vous doinent naturellement, ils vous empéschent d'ordonner des villes qui leur sont sousmises, est. Nous pourons en cecy remarquer que le zele de la maison de Dieune les mangeoit pas tant que l'enuie qu'ils audient de preuenir le Roy, afin qu'embarassé dans ses affaires il ne peût donner d'assistance à la Vvaltoline. De plus, nous pouvons librement confesser que iamais les Huguenots ne se sont ingerezà chose du monde qui contreuint aux Edicts du Roy si premierement,

ils n'y ont payé l'interest de la religion engagée, & fermement fondez en leur foy, ont estimé estre obligez par conscience de dessendre le corps pour posseder l'ame auec plus de repos. Ils font mineà mauuais jeu, & souuent publient par leurs subtiles equiuoques la verité de ce qu'ils n'osent faire paroistre; & sous vn faux masque de simplicité couurent l'orgueil d'vne presomption outrecuidee; l'entends ces Peres à petit collet qu'vn de nos Poëtez a fort viuement dépeints en ces vers, qu'vne bonne affection Françoise plustost qu'vne passion vicieuse luy a fait enfanter.

D'un grand est onnement espris
Ie suis confus en mes esprits,
Voyant ces bestes à trois cornes,
Aller d'un front audacieux,
Et sans garder aucunes bornes
Vouloir voler iusques aux Cieux.
Leur entretien semble tout triste

B ij

Ils font fort bien la chatemite, Changeant d'humeur & de façon: Et si le croy qu'en sin de somme Celuy seroit tres habille homme, Qui leur pourroit saire leçon.

Ils ont vn æil tout abattu.
Feignants estre plains de vertu,
Reiettent les choses du monde:
Leur bouche qui n'a point de ris
Semble tenir tout à mespris,
Trompant ainsi qui mal les sonde.

Leur entretien couuert de miel Est plus amer que n'est le siel, Donnant la mort à qui l'escoutte, Leurs conseils ne sont que poison. Qui fait son coupen sa faison, Contre celuy qui peut le goutte.

Sous zele de deuotion
Ils couurent leur intention,
Qu'ils mesnagent auec prudence:
Et enfantent auec le temps
Le mal qui les tient halettans,
Qui met tout ordre en decadence.

Sous promesse de Paradis Ils rendent les cœurs refroidis, Qui brusteroient d'ardeur extreme, Pour la vertu de charité Dont ie vous dis en verité, Qu'ils sont pires qu'vn diable mesme.

Aux penitens mal confessez.

Ils font paroistre leur excez.

Par des questions trop singulieres,

Des femmes abusant l'esprit,

Ils font ce qui n'est point prescrit
dans les Canons de leurs Breuieres.

S'ils monstrent de la pieté,
Las c'est que la simplicité
Du menu peuple s'y arreste,
Et par ce signe trop charmant,
Ils trompent malheureusement
L'ame qui pour les croire est preste.

Ils semblent saincts & reformez D'habits & d'ordre renommez, Feignant l'humeur melancolique, Le grand chapeau, petit rabat, La robe longue & soulier plat, Auec la mine hypocritique.

Tous ceux qui les cognoissent bien Confessent qu'ils ne valent rien, Sçachant qu'ils sont tous hypocrites, Et disent d'une voix de fer Qu'ils auront leur place en enfer. S'ils ont tous selon leurs merites.

Ils se sont voir denotieux
Bien autant qu'anaricieux,
La charité leur fait enuie,
Et moy ie veux que desormais
Mes vers soyent sarcis de leur vie,
Pour qu'on en parle à tout iamais.

Les seules pestes de la France,
Seuls autheurs de nostre sousserance,
Causent tousiours nouveaux malheurs:
Ensin ceste damnable engeance
Le Ciel prendra iuste vengeance,
Pour arrester l'eau de nos pleurs.

Certes leur artifice est grande & leur esprit bien subtil, & sans nous attacher à particulariser leurs naturels, nous sommes contrants de confes-

fer qu'ils sont habiles hommes quant à ce qui est de l'esprit, qui en a abusé par longues annees plusieurs, & qui estant pourtant suspect à cette venerable Cour de Parlement de Paris, ne les a iamais voulu inquieter qu'elle n'ait au prealable esté plus amplement informee de leurs tromperies: ce que ne pouuant plus reuoquer en doute, & cognoissant franchement qu'ils estoiet doublesen leurs paroles comme en leurs robes, elle les a voulu presserafin de les obliger de cofesser cotre leurs institutios, ce que la raison tireroit de la bouche des plus barbares & desnaturez. Et en celal'on peut encore voir la subtilité de leur esprit, qui pour exceder le commun ne commence iamais guieres de choses par imprudences: Et de fait, ils ont donné quelque couleur à leur desadueu, pour le terme & delay qu'ils ont prispour rendre la Cour contente de

ce qu'elle desiroit d'eux sur ce suje et. Temps, auquel sans doute ils feroient naistre des moyens qui pourroient diuertir ceste poursuitte, ou esperent que l'empirement des affaires obligeroit à quitter ces propositions, ou que comme les affaires criminelles amendent à vieillir, les iours coulants les vns apres les autres e mporteroient auec eux la memoire de ceste Chrestienne instance, ou bien s'ils iugent que tous ces moyens leurs faillent ils jouëront de leur reste, & pour ce qu'ils sont propres à persuader, comme gens qui s'estudient iour & nuict à la Rethorique, & qu'ils ont de grandes intelligences auec des personnes capables d'apporter du trouble, ils tascheront à les gaigner, & par la puissance de leurs charmes leur representeront tant de choses sous le zele de la Religion, qu'en fin ils les pourront induire & porter

aux

aux remuëmens, pendant lesquels ils espereront subsister en pareil estat, & en ceste subsistance s'efforceront d'abolir tout à fait les poursuites dont ils sont aujourd'huy trauaillez, & qui iustes semblent d'elles-mesmes resueiller les Iuges pour les faire souuenir, que commebons peres du Royaume, ils ne doiuent point permettre que des pestes de l'Estat, pareilles à ceste sorte de secte, demeurent dauantage impunis, & suruiuent plus longuement à leur desloyauté qui de iour en iour se descouure, plus abominable qu'elle n'auoit par cy-deuant paru, aux yeux de ceux qui couuroient leur perfidie du manteau des excuses, que l'amitié qu'ils leurs portoient leur fournissoit : Que ie ne semble dire cecy d'vn cœur animé de passion; & qu'on ne me iugepoint ennemy de leur Religion, mais seulement de leur doctrine, à lequelle,

comme bon François, ie ne puis iamais donner d'approbation: ce que nos predecesseurs en ont escrit & dit, doit estre suffisant pour faire croire que ie ne suis point violent en mes haines, mais Chirurgien humain qui applique le seu & le ser le plus doucement qu'il m'est possible pour causer moins de douleur, & couper le cours à vne plus dangereuse maladie.

Il est vray que ce nom de Iesuiste m'est odieux pour deux choses: La premiere, en ce qu'ils ont ceste outre-cuidance, miserables creatures qu'ils sont, de vouloir prendre le nom de IESVS Sauueur du monde, & eux par antiphrase destructeurs capitaux des François, comme des autres nations contraires à celle pour laquelle ils viuent, se qualissent d'vn nom si sacré, qui n'appartient qu'à l'vnique Fils de Dieus, L'autre, pour voir qu'ils sont ceux & seus sen la consuse quantité

de Religieux qu'on void au monde, qui ont apporté & soustenu ceste damnable doctrine (comme leurs escrits en font foy) qu'il falloit destruite & ruiner le Roy qui n'estoit point sous l'authoriré du Pape, & qui maintenoit les ennemis de ce souuerain Pontife, contre ce que nostre Seigneur luy-mesme dit: Obedite prapositis vestris etiam didascolis. Ce commandement d'obeyr à nos Princes, encore que Tyrans, qui nous est donné de la part de Dieu, semble faire le procez à ces Loyolistes, qui ne veulent pas qu'on leur denie seulement l'obeyssance que naturellement on leur doit, mais mesme enseignent que c'est sacrifice aggreable à Dieu de se lauer dans le sang de ses oincts qui sont son image en terre, & qu'il a establis pour regir & gouuerner son peuple. Les deux raisons qui me les font hayr sont peut-estre les motifs

C ij

qui portent tant de grands personnages à ne les aymer pas. Qu'ainsi ne soit, pensons que ce celebre concert de Sorbonne se peut seruir de ces poincts pour authoriser le refus qu'il fait de les introduire dans sa faculté: & m'asseure que s'il eust pensé que la creature cust peu legitimement porter le nom de son Createur, il l'eust pris long-temps auant que Loyola en custabusé. Si toutes les sages Vniuersitez de France n'eussent recognu quelque desfaut en ceste troupe, elles ne se fussent pas toutes opposees à leur restablissement apres la Pyramide de Chastel démolie: & entre les autres celle de Paris, fameuse par toutes les regions où le Soleil void les lettres cheries, qui iournellement s'oppose à leurs menees, & met en euidence la verité de leurs abus. Ie pense que les particuliers qui les ont poursuiuis d'une haine extréme, ne se sont point

sousmis à la passion de ceux qui parloient mal d'eux, neantmoins auec verité: mais seulement la cognoissance parfaite qu'ils ont eu e de leur peruersitéles a obligez à ceste haine, sans la consideration de ceux qui ne les aymoient point: Et vrayement, ils font tellement cognus dans le monde, que non seulement les bons François les ont en horreur, mais encore tous les Estrangers parmy lesquels ils ont esté introduits. L'Angleterre les hayt, non pas tant à cause de la Religion qu'ils professent, contraire à la leur, que pour les factions & seditions qu'ils semoient dans le Royaume, comme l'entreprise de Vvital la donne assez à cognoistre, où ils ne se soucioient pas de faire perir leurs amis, pourueu qu'ils vinssent à bout de leur dessein, & aussi qu'ils disoient haut & clair, pereant amici dum vna inimici intercidunt. La Republique de

Venise, quoy que bonne Catholique, ne les hayt pas moins que les diables d'enfer, non pas pour ce qu'ils tiennent sa Religion: mais pour auoir recognu qu'au preiudice du spirituel, ils vouloient engager à ses ennemis le temporel qu'elle deffend contre luy. Plusieurs autres nations que l'Histoire me pourroit à propos fournir, feroient assez voir qu'ils n'ont rien en plus grande recommandation que de tromper & seduire les peuples, de la simplicité desquels ils peuuent triompher: comme beaucoup d'Arrests qu'on void mesme en France donez contr'eux le tesmoignent encore, semblables à ceux qu'ils ont subis à Renes, où quelques Orphevres leur ont fait receuoir de signalez affronts, iusques à leur faire dessendre d'entendre leurs femmes en confession: en vn mot ie pourrois icy rapporter plu-

sieurs authoritez, si iene les iugeois point inutiles, & ennuieuses auxpersonnes à qui ie veux seulement faire paroistre la subtilité & meschanceté de ces Moynes Scculiers, qui abusent la plus part du peuple par leurs paroles subiectes à doubles explications, mondessein estant aussi d'induire & pouffer les bons François à esplucher diligemment sirce que ie dis contient quelque verité; & s'il n'y a pas apparenoe qu'en ceste presente occasion où ils soft interpellez, ils ne se declarét pas coulpables, faisant voir qu'ils ne veulent pas consentir ny aduoüer quele Roy soit absolu Monarque, & tient seulement de Dieu & de son espee son Royaume; confession que la verité & l'amour naturelle deuoit sans contrainte tirer du profond du cœur. Reste à la prudence de ceux que Dieu inspireras'illuy plaist, suiuant les prieres des bons François, de remedier à

la ruyne de la Monarchie qui sembl tomber par le releuement de ces gen à double conscience, & qui fera paroistre la gloire de son restablissemé dás le bánissemét de ses Sectateurs d'Ignace, desquels on ne peut estre trop tost deliurez, puis qu'il n'est iamais trop tost de remedier au poison qui nous tuë: & certes il seroit de besoin pour le bien de toutela France, que iamais ces viperes n'eussent eu d'entree dans le Royaume qui a tousiours esté trauersé de quelque assiction, & par la seule inuention de ces pestes de l'Estat, qui ne respirent que la ruyne totale de nostre Monarchie Françoise: mais c'est le deuoir des bons François de prier Dieu qu'il nous veuille deliurer de ses ennemis domesiques, & les bannir pour iamais de nos Prouinces, qui n'auront iamais de reposasseuré pendant qu'ils tiendrontles reines de l'Estat.











